

左恪靖侯奏稿續編

洛靖奏稿續編卷七十六目錄

番匪滋事剿辦獲勝捐

剿辦番匪獲勝現籌大舉搜捕捐

徵陳新疆善後事宜捐

甘肅新疆防營承修工作請勅部備案捐

督師出屯哈密捐

覆陳新疆宜開設郡縣捐

遵旨叢奏捐

請免保薦人材片

請令張聯幫辦軍務乃

悉報交期關防起程回省日期指

番匪滋事剿辦獲勝指

奏爲洮岷土司所屬番匪眾滋事官軍圍剿辦獲勝現籌辦理情形恭摺仰祈

聖鑒事竊惟甘肅番民一種雜居邊外性與人殊南路黑番向隸土司管轄兇狡尤甚上年循化廳屬什吉大倉番匪滋事經河州鎮總兵沈玉遂督辦剿撫兼施事竣出示通諭各番安分守業毋爲刑戮之民因番民不識漢字並飭於示內旁注番字俾其易曉各番安之適階文西固地震成災洮州廳土屬黑番四旗亦同時具

報臣等飭委叢秦階道譚總潤察勘被災輕重實在情形分別賑撫並委前署叢秦階道龍錫慶前赴被災最重之階文等處地方督辦賑務兼修治城渠以工代賑其於各苗族尤加意撫恤均各得所本年三月初八日接據龍錫慶譚繼洵等稟報據階州知州文治辦理階文賑務委員前署階州知州石本清署階州營遊擊管帶安左旗防營記名提督陳再益等稟稱距階州九十里瓜子溝地方有土屬番民謠傳活佛出世聚眾朝拜並舞刀跳神日稱劫運將至惟跳神得免番眾如醉如

癡互相傳播煽聚日多並據署洮州土司楊作霖岷州
巖昌土司馬承烈稟報正派土千總李撫西隨同委員
發給被災番民賑糧銀錢時探悉瓜子溝黑番陽山旅
內謠傳上年五月十二日該處生有活佛其父古且巴
算卦應驗藉此煽惑附近番民朝夕禮拜又稱活佛有
言刀鎗作祟應將刀鎗帶赴瓜子溝繳驗旋接鶴毛竹
令追令各番族聚會風謠紛起一日數驚該土司等諭
禁不聽請攝以兵威等情龍錫慶等出示曉諭以禍福
亦未解散臣等批飭由該地方官督飭土司先行開導

務令迅速解散如仍執迷不悟立卽調兵剿捕旋據馳
報古旦巴脅令弓弩鐵壘河陰山陽山陵家山等處番
族每戶派精壯男丁一二名隨其作亂由西固階州入
川大車可成不從者殺番眾頭裹紅巾成羣跳舞口稱
降神狂叫不止反形大露龍錫慶等布置階州西固城
守委同知蕭逢元等督團眾嚴扼殺賊橋臣等飛飭陳
再益安籌防剿調秦州遊擊田逆考駐紫翠昌防營提
督張佑庭程文勝各帶所部步隊馳往會剿飭河州鎮
總兵沈玉遂派副將沈福田馬占鰲帶馬隊四旗徵絕

理關內營務署蘭州道劉璈自帶步隊一營前往會督各營辦務期分別責匪以布恩威而安反側旋據龍錫慶等續報匪番放火搶殺勢甚猖獗三月初六日已將西固州同所轄哈河坝民堡攻破幸殺賊橋園丁間警馳援哈干族良番遮麻點住並五坪老民八稜寺大喇嘛等同時率眾截擊殺賊極多餘逆四路紛竄生擒逆首哈力等二十名分解西固階州龍錫慶提訊哈力供稱係岷州土司馬承烈所屬西岔裏人上年十一月凶瓜子溝番民古旦巴信約該逆同謀起事古旦巴言

伊妻王氏於五月十二日地震時產一子生卽能言自稱活佛地震之事由其執掌煽動各番族朝佛朝拜之人霎時遍身發顫站立不穩有當時顫跳者有回家後顫跳者每發顫則一二時不省人事古且巴說他家出有真人可以起事不從者有災地震不止從者無事已約有四千餘人哈力正糾串西忿東忿各處番族千餘人候信二月二十八日古旦巴傳鶴毛令箭約於三月初三日起事從哈河填漢民堡動手再攻西固階州走川大事可成初五日古旦巴同哈力嗾番眾一千餘人

攻哈河慎民堡初六甫將民堡攻圍忽殺賊橋團勇齊
至五坪良善團練旁山攻擊遂被番剛擒送到官餘賊
供同訊明正法傳首臬示內有雙住一名訊係被古旦
巴迫脅並非甘心從賊卽于釋回初八日陳再益帶所
部親兵及階州制兵防勇進距州城一百一十里之殺
賊橋地方初九夜有距殺賊橋四十里南峪寨漢民請
兵救援稱番匪攻堡甚急初十日天明抵南峪寨而賊
已退踞離寨十餘里之黑松坪調知內有大小賊目十
數賊眾約七八百人陳再益潛師急進派左哨繞道由

山脊以截其後自帶中哨及親兵防勇由貓兒寨直搗其巢團勇繼之五鼓抵黑松坪匪始驚覺出巢抗拒陳再益麾隊衝殺前後夾攻鎗礮齊施刀矛並舉匪勢不支棄巢敗遁官軍整隊追之陣亡一名受傷十餘名臣等會商此次黑番謀變實由妖言煽惑所致別無起衅情由番民一聞兵團入境卽去逆效順不約而同並縛獻番匪明心跡是良匪已分餘逆雖苟延喘息而官軍又獲黑松坪之捷事機尙順現飭各營勒兵境上諭令貞番縛獻首要各犯照格給賞各營暫時勿庸深入加

委道員劉璈馳往會督籌辦苦心分明勿濫殺以逞兵威勿寬縱而貽後患庶番族相庇以安免罹浩刦而皇仁洽於殊俗異患全銷矣除係此案辦竣再行陳奏外謹先將辦理情形各款恭摺具陳伏祈

皇太后

皇上聖鑒訓示施行謹

奏光緒六年四月初三日

軍機大臣 宰密光緒六年四月十七日奏

上諭左宗棠等奏番匪滋事兵圍剿辦獲勝現籌辦理

情形一摺甘肅階州瓜子溝地方番匪古旦巴造言生有活佛燭惑番民脅令弓弩等處番族各派壯丁隨其作亂攻破西固州同所轄哈河壩民堡並聲稱由西固階州走四川等語經左宗棠等飭派總兵沈玉遂署蘭州道劉璈等會同剿辦擒獲逆首哈力等二十名訊明正法并將黑松坪賊巢搥破現飭各營諭令良莠繩紲首要各犯暫勿深入番地辦理尙爲妥協仍著左宗棠楊昌濬督飭兵團分別良莠寬嚴互用以期番族相安迅速叢事該匪既有入川之語並著丁寶楨加意防範

如有餘匪竄擾立卽派兵剿辦毋任貽患地方將此由五百里諭知左宗棠丁寶楨並傳諭楊昌濬知之欽此

剿辦番匪獲勝現籌大舉搜捕摺

奏爲官軍剿辦番匪屢次獲勝現籌大舉搜捕一面設局撫勦莫可迅速歲事恭摺馳報仰祈

聖鑒事竊洮岷土司所屬番匪聚眾滋事官軍民圍剿辦獲勝情形臣等已於四月初二日恭摺馳

奏署階州營遊擊提督陳再益三月十一日剿辦黑松坪股匪獲勝卽駐紫南峪寨十七日酉刻殺賊橋漢民飛報偵探知西岔寨匪二三千逼近殺賊橋闖攻大寨子燒燬房屋良民盼援陳再益潛師夜起十八日黎明

抵殺賊橋官軍潛伏大寨子前後村莊筋團勇出莊擋
戰匪眾見係團勇蜂擁向前迎拒陳再益押隊猛撲立
斃悍賊數十賊駭而奔追至冷水泉斬馘遂多日暮收
隊是日同知蕭逢元率團勇攻燬峯屋賊莊亦有斬獲
該匪四路紛竄十九日陳再益率兵圍分三路進攻西
岔逆巢飭哨長遊擊是恒盛等由小真莊遊擊李玉荃
由東岔自率親兵向八稜寺進番匪憑險抗拒官軍以
劈山礮測準轟擊拋擲火藥火箭紛如雨注匪勢不支
棄巢紛向西分山陽山遁去易恒盛隊伍甫至山麓遇樹

林中突出股匪數百卽奮威截殺斃匪甚多而李玉荃
追剿東岱陰山亦獲勝仗合隊踏燬賊巢十餘處傍晚
收隊洮岷協副將王仁和抵西固扼紫梁宋墩地方探
悉相距十五里之通花頭賊莊爲進兵要道三更出隊
銜枚疾走二十日天甫明號鼓齊鳴賊惶惶失措斬賊
十餘名墜崖落涧死者十數名餘賊潰遁二十二日王
仁和陳再益會剿青山番匪兩路夾攻斬賊數十二十
四日陳再益襲據風凹番莊夜半該匪一二千來撲官
軍不動伺賊稍懈急起乘之匪眾大潰追至大草坡斃

賊甚多風凹里以南十數里賊屍枕藉提督張佑庭程文勝秦州營巡擊田連考各率所部步隊陸續抵營拏要駐紮二十二日提督張佑庭程文勝等分三路直搗山角坪賊巢二十三日由階州擊賊大真莊斬獲頗多田連考二十三日由階州進剿重山子賊巢攻克頭嶺二十四日攻克二嶺二嶺二十五日黎明匪眾蜂擁來撲田連考揮軍猛擊躡蹤窮追士氣彌奮斃賊無數官軍陣亡二名帶石傷者十有餘名此連日勦匪獲勝實在情形也番山重疊懸崖峭壁中羊腸一綫僅堪容趾

官軍大隊能魚貫而不能雁行山徑如梭又須分支密布猱附而前始能深入其阻非俟所調各營到齊難數布署臣等往復籌商此次造詣惑眾燭變首要各逆雖

僅古旦巴等其巢穴則在瓜子溝而山後小徑與四川所屬章臘松潘廳相通本番聚居之所該番素以射獵爲生馬步趨捷甲於諸番若不乘此兵威速將瓜子溝巢穴擒平必貽後患而首逆古旦巴既有由階文西固入川之謠輒謀已久雖階文西固可保無虞若賊由山後小徑冒險分竄川境誠恐滋蔓難圖除飛咨四川

督臣

丁寶楨嚴防外一面催飭所調各將領遄速會剿

並飭該土司等挑派良番作爲鄉導轉相告誡冀良匪

分明聲威遠播而土屬各番自可相庇以安無虞他變

矣據各營稟報連捷之後各番族見妖言並無鑑驗去

逆效順者頗多沈玉遂所派副將沈福田馬占鰲等馬

隊四旅已於三月二十六日先抵殺賊橋各營隊伍均

可節次取齊臣等先出告示分別剿撫又禁止濫殺辦

理賑恤預爲善後之計務期就地妥速辦理就緒不令

貽悞他方所有官兵剿辦番匪屢次獲勝現籌大舉搜

捕情形謹會同陝西提臣補正綰甘肅提臣周達武合

詞恭摺馳陳伏乞

皇太后

皇上聖鑒謹

奏光緒六年四月

軍機大臣奉

旨卽著飭令各將領會同川省官軍憲力搜捕毋留餘孽以靖地方欽此

敬陳新疆善後事宜摺

奏爲敬陳辦理新疆善後事宜大畧情形仰祈
聖鑒事竊維新疆善後事宜以修濬河渠建築城堡廣
興屯墾清丈地畝釐正賦稅分設義塾更定貨幣數大
端爲最要臣前奏

諭旨南北各城應如何隨宜經理之處卽著悉心籌畫
次第興辦比卽恭錄咨行南北兩路在事諸臣一體欽
遵旋准張曜劉錦棠咨呈并據前署鎮迪道周崇傅現
任鎮迪道福裕委辦吐魯番局務道員雷聲遠稟報前

來以修濬言之哈密修石城子渠領西廳脩大泉東渠
迪化州脩永豐大平二渠安順一渠綏來縣脩長渠奇
臺縣脩各渠吐魯番所屬渠工之外更開鑿坎井一百
八十五處庫爾勒修復舊渠四十里庫車濬築阿柯寺
兩大渠皆各防營將領督飭防營兵勇輪替工作其兼
用民力者給以僱值地方官募民興修者亦議給工食
誠以民困甫蘇未可責以力役也以城堡工作言之居
國屋宇以利棲止農商工匠之所宜也行國瓊廳移逐
水草畜牧游獵之所便也今既聯異域爲一家則城堡

不可以不設奇臺緩來喀喇沙爾廬車或因舊基或拓
新地均不勞民力不耗公財而崇墉屹然足資保障以
屯望吉之鎮西廳屬兵民報墾五萬數千餘畝奇臺報
墾民戶九百有餘軍營新墾六千六百餘畝迪化舊報
承墾三千餘戶核多浮冒茲按冊報連新增民戶實只
二千有奇軍屯尙未據報畝數吉昌新舊墾戶共一千
三百有奇緩來共九百餘戶吐魯番及南疆八城除沙
磧外荒地慚少新增屯墾均在新開渠工兩岸未據冊
報畝數其熟地適當清丈之際劉錦棠張曜現飭各局

員冊報俟清丈竣事始可算齊送核也以清丈言之量
地卽履畝之法長短廣狹非丈量不能明肥腴瘠薄非
按測不能準而西北地多高仰土性善滲需水尤殷水
足者地價倍昂以產糧多也水歉少收價亦隨減將欲
則壤成賦必先計水分之充詘定地畝之瘠饒科糧賦
之輕重光緒四年徵收無額臣與劉錦棠張曜周崇傅
兩牘相商仿古中制而更減之按民間收糧實數十一
分而取其一經收回目任意增減者許曰民自陳印委
各員傳經手人斥責甚者加以革黜并令於收獲後通

行清丈拔地畝肥瘠水分蘿純分九等科賦地既席開
創行之初事體繁雜人役弓手多不諳熟一時未能集
事旋改爲上中下三等征收以取簡易迨五年秋成冊
報猶未造齊仍照上年十一分取一之例征收民間輸
將爭先約計六年秋獲丈量可竣按畝科賦多寡始歸
一律矣以賦稅言之鎮廸一道光緒四年分徵收各色
京斗糧六千九百四十餘石房租銀六千一百餘兩吐
魯番廳征糧一萬四千二百餘石地課銀二千一百餘
兩喀什噶爾征收各色京斗糧料六萬五百八石英吉

沙爾征收二萬六百十二石葉爾羌征收七萬九千四
百十二石和闐徵糧三萬六千八百七十九石徵折銀
色五千四十九兩課金四百六十兩阿克蘇徵糧一萬
四千二百三十石徵折銀色三千三百三十八兩徵紅
銅黑鉛礦鐵均照額交納烏什徵糧八千三百七十八
石徵折色錢五百一十緡庫車徵糧一萬二千八百四
十九石徵折色銀五千餘兩徵紅銅棉花如額光緒五
年秋開徵仍按照四年徵收款目如數完繳內如喀喇
沙爾一城因久罹兵燹流亡未復四年無徵五年分據

各局報徵過各色京斗糧六千五百九十八石尙未載
數綜計南北兩路徵收糧數折合京斗已二十六萬一
千九百餘石而專就南路收數計算較戶鈔案從前額
徵十三萬餘石已增十萬六千五百石有奇此皆清丈
未竣暫照十一分徵收之數若丈量完事併加入北路
續增及開渠成熟地畝新賦合算自更有增無減此外
稅課折色有照常徵收者有併入釐稅徵收者就釐稅
言之各局冊報自四年秋冬至五年夏不足一年已收
銀十八萬有奇亦稱入款大宗如伊犁事定商貨暢行

則釐務自有起色姑勿論也以義塾言之新疆戡定已久而漢回彼此扞格不入官民隔閡政令難施一切條教均藉回目傳宣壅蔽特甚將欲化彼殊俗同我華風非分建議懿令回童讀書識字通曉語言不可臣與南

臣

北兩路在事諸臣籌商飭各局員防營多設義塾並刊發千字文三字經百家姓四字韻語及雜字各本以訓蒙童續發孝經小學課之誦讀兼印楷書各本令其摹寫擬諸本讀畢再頒行六經俾與講求經義疊據防營局員纂興建義塾已三十七處入學回童聰穎者多甫

一年而所頒諸本已讀畢矣其父兄競以子弟讀書爲榮羣相矜寵並請增建學舍頒發詩經論孟資其講習局員送閱各塾蒙童臨摹倣本筆姿頗秀並稱蒙童試誦告示皆能上口教以幼儀亦知領會蓋讀書既可識字而由聲音以通言語自易爲功也張曜因出

聖諭十六條附律易解一書中刊漢文旁注回字刊發
纏民見者寶貴足見秉彝之良無中外可分欲善則善
理有固然雖不必化民成俗而其效已可觀也以貨幣
言之回民市易舊用制錢漸專用銀而賙色高低分量

輕重驟難明晰奸偽日滋阿古柏竊踞南八城創鑄銀
錢名天罡式圓如餅中無方孔其類錢形其腥色分量
任意低減圖售其奸故市價相權不能允協民以爲苦
應改造銀錢以平市價而利民用惟改造銀錢宜先製
模式較準一律交官設局經理然後私造與贗偽易於
辨認而行使可規久遠臣飭蘭州製造新式銅模交張
曜督局依法試製範銀爲錢用銀片捶成不須鎔鑄枚
重一錢外圓內方輪廓分明字蹟顯朗大小厚薄如一
與制錢相權銀爲母銅爲子市屬通用可免畸重畸輕

之思而新模精巧由官改造工速費節私曆不致混淆人知寶貴准張曜呈送樣鏡前來臣察核無異擬俟試行漸廣請

旨遵辦期爲新疆創此永利以救圖法之窮凡茲數端均已有緒可尋漸著成效者也至於中土蠶絲賴及萬方而湖產尤甲中土秦西市舶駢集滬上航海往返曹省運捷非若陸路之艱阻也西北各部落行國居多衣被廬帳取給擅片禹貢於崑崙析支渠綴皆以織皮概之由來久矣近代以來參用蠶絲和毛彈織精緻殊倫

售獲善價惟與中土通商專在陸路運致維艱新疆南北產桑土人但取其代糧或稱藥材蠶之利未廣俄羅斯及諸邊種人購絲於新疆不足仍議入蜀購絲臣通

檄南北兩路局員檢校屬境桑株陸續稟報統計桑樹八十萬六千餘株教以飼蠶繅絲諸法兩年始有微效據各處呈驗新絲色潔質韌不減川絲前飭滬局採運委員胡光墉延訪德國開河鑿井織呢師匠帶購機器來蘭州入製造局教習西法並飭募僱湖州士民熟習蠶務者六十名交委負祝應兼由籍管領並帶桑秧蠶

種及蠶具前來教民栽桑接枝壓條種甚沿蠶飼蠶費
繭織絲織造諸法自安西州敦煌哈密吐魯番庫車以
至阿克蘇各設局授徒期廣利於新疆也所以先南
路而後北路者以南疆生桑頗多一經移接便可飼蠶
繕民勤習工作可收事半功倍之效由是推之西四城
更推之北路耕織相資民可使富卽西北諸行國取擣
亦便毋庸度隴趨蜀以買新絲遠商拜惠懷我好音彼
獲其贏我亦得施其控制之術從此氛祲潛消亦未可
知非僅釐稅有增稍緩軍儲之急已也特事涉創行無

一
綱紀卷十一
速效可覩臣不敢多所論列惟有題勦圖之御圖
宵旰憂勤之意謹一併附陳伏祈

皇太后

皇上聖鑒訓示謹

奏光緒六年四月十七日

軍機大臣奏

旨覽奏均悉所陳井井有條皆地方切要事務既已漸
著成效卽著認真經理以期次第就緝教養有資欽此

甘肅新疆防營承修工作請飭部備案摺奏爲甘肅新疆各處防營歷年承修城垣祠廟道路橋梁栽種樹株請

旨飭部備案以垂久遠恭摺具陳仰祈

聖鑒事竊查甘省內地自遭兵燹以後千里蕭條東路各屬地居衝要荒廢尤甚如會寧縣之翟家所張陳堡安定縣之王公橋隆德縣之六盤山固原州之三關白等處均爲著名險隘其間溝澗深窄河道沮洳道路橋梁率多傾塌夏潦冬冰時有阻滯傾覆之患農商行旅

均以爲苦惱經統領武威軍甘肅平慶涇固道魏光
統領楚軍中路各營記名提督鎮海協副將周紹濂會
同統領楚軍前路各營提督劉端冕等督飭各該防營
於操防護運之暇次第承修會寧屬境大小磚石土木
橋十九座種樹二萬一千餘株安定屬境木石橋八座
種樹十萬六千餘株金縣屬境木石橋三座種樹四千
四百餘株皋蘭屬境木橋一座種樹四千五百餘株修
造會安等處祠廟行館書院一十三所險阻大小路徑
亦均修治平坦涇州屬境大小木石橋九座平涼屬境

大小木石橋二十九座固原屬境大小木石橋十座新開三關口蒿店丑亭沿河一帶石路四十餘里隆德屬境大小橋梁六座六盤山上下車路二十餘里靜寧屬境大小土橋七座新開會寧縣城東起至翟家所止車路四十三里又自陝西長武縣界起至會寧縣東門外止計程六百里節年共種植成活樹二十六萬四千餘株柳湖書院種活樹一千二百餘株平慶涇固道署內外種活樹一千餘株環縣屬境種活樹一萬八千餘株董志縣及鎮原縣境種活樹一萬二千餘株此外平

慶涇固各屬驛路固原北至平遠以達惠安堡鹽路均
已一律修治平坦又先後承修平涼慶陽隆德合水董
志縣永鎮原平遠各府縣城垣衙署及各祠廟塗裹驛
館所需經費皆由各管旅隨時捐發並由魏光霖陸續
捐給經費銀八千七百餘兩以上各工業經委員勘驗
均已完竣堅固此關內東路一帶興作工程之著有成
效者也西南各路防營將領如統帶良輔等營總兵凌
春臺在河州屬之三甲集開挖水渠四十餘里創建水
磨三盤設立義學三處又修祈家集水渠一道太子寺

堡城垣壕溝並栽樹株三家集齊河城建立廟宇並昭忠祠四所統領楚軍左路等營提督鄧榮佳在狄道州屬之中部修土堡一座洮濱書院一所疏濬舊渠二道古城子土堡一座栽樹三百餘株管帶楚軍左旅總兵張友元在狄道州城西門外修永寧橋一座計長二十丈高一丈寬八尺又自該州嵐關坪起至白林口止修治道路一百六十里木橋二座管帶楚軍左路後營副將李志剛在狄道北二十里舖修造大水車一具栽樹一萬三千株管帶楚軍律武前營總兵李賓先在循化

廳城內修蓋舖屋五十五間並修理城樓及廟宇一所
管帶靖綏營參將黃金福在碾伯縣屬樓營堡一帶創
修溝渠築隄作塘二十餘里統領果軍提督劉明燈在
大通縣屬之永安營修補城垣栽樹四萬五千餘株管
帶楚軍恆營總兵王聲揚自碾伯縣屬老鴉保起至經
錦止修理道路二百四十餘里管帶安西左營總兵張
世才管帶宗岳義營總兵張星元在大通縣境修理道
路三百數十里並建修橋梁補置船隻栽種樹株修復
塘卡統領安西等營署鎮海協副將喻勝榮在西甯城

外劉家河濱創建堡城一座並修建鎮海協衛署屋宇
營帶向義營副將敖天印管帶楚軍藍左旅副將朱泰
友管帶楚軍藍右旅副將李正魯先後在平番縣境栽
樹七萬八千餘株管帶楚軍左路正中營總兵周玉堂
在平番縣境鎮羌驛岔口驛修造廟宇二所石橋一道
車店一區堡寨一座爛泥濘開修石路一道此關內西
南路一帶興作工程之著有成效者也至新疆南路各
城自光緒二年大兵出關一舉蕩平後臣檄飭各該防
營會同各善後局修濬河渠以興水利築繕城堡以嚴

捍衛平治道路以利轉運修造官店以便行旅出嘉峪
關七程爲安西直隸州治地近戈壁飛沙堆積州城東

西兩面沙與城齊

臣

飭署安西協副將甘雲亮督率弁

兵兼募民夫由城堞逐漸開掘下至城根一律淨盡磚

石顯露還復舊觀引疏勒河水環戶既深且闊沿河種

柳以護堤岸城復據開可垂久遠哈密廳屬石城子渠

先經張曜屯田該處已加修治

臣

等復飭駐紮哈密防

營總兵黃本富易玉林重爲濬治以利灌溉鎮西廳屬

大泉東渠經駐紮巴里坤統領蜀軍提督徐占彪督率

興修迪化州永豐大平二渠綏來縣一渠疊經由官借
給銀糧督飭戶民修理安順一渠現經鎮迪道福裕勘
驗興修奇臺縣屬渠道經署知縣劉嘉德勘明稟請修
濱魯番廳屬官渠坎非經督辦善後道員雷聲遠駐紮
該處防營提督羅瑞秋遊擊宋得祿督率興修雷聲遠
籌借食糧督勸戶民淘濬坎井歲獲有秋庫爾勒舊有
官民渠二道兵燹失修該處防營都司鄒金本督率修
復又庫爾楚一帶河道長四十里水不歸渠旱潦無備
防營副將王玉林修築完好宣泄有資庫車阿柯寺塘

賽馬里柯兩處長六十里橫貫戈壁工程九大駐紮庫
車統領安遠軍前安徵寧春鎮總兵易開俊督率弁兵
輔以民夫修築通暢增開支渠灌溉稱便綏來奇臺兩
縣城門女牆均多損壞經前署瑪納斯協副將傅殿魁
派勇修復哈喇沙爾爲南疆要衝舊城卑薄復爲賊燬
廬舍蕩然惟安集延逆首河古柏新築一城勉可補葺
防晉知縣黃長周哈喇沙爾善後局員知州黃炳焜開
拓修築城週三里雉堞改觀庫車舊有漢城甚小年久
傾圯東面外環回城局勢頗闊易開浚會同善後局員

同知魏炳蔚察着形勢西北兩面均仍其舊其南城及東北東南應卽改築城週千三百三十四弓牆高一丈八尺寬一丈五尺四隅炮臺縱橫四丈四尺四門城樓高四丈八尺雄闊偉壯足稱南疆重鎮由哈密以達吐魯番自晾敦至七克騰木四驛分南北兩路南爲官道妖風時作砂石俱飛甚者並人馬捲去渺無踪跡俗所稱風戈壁者也其北有小路可避風災本爲商旅必出之途然無店宇可資棲息行人告之七克騰木防營總兵夏奉朝督飭弁兵將南路臺站移置北路添備官店

水草器用此患乃免托克遜至喀喇沙爾中噶呵哈布
拉地方兩峯壁立積石峻嶒一徑羊腸下臨無際車駛
經過輒有意外之處防營總兵劉見榮鉗幽鑿險化而
爲夷用功至勤華情欣懶清水河西謙灘五六里泥淖
縱橫人馬多苦陷沒防營知縣黃長周都司鄒金本會
同修治開渠洩浸勢以巨木雜覆樹枝土石平鋪始免
積淖爲患此關外興作工程之著有成效者也兵燹之
餘百廢肇興不資民力不耗官帑難矣而論其實濟則
皆承平時所未經見者非諸將士來自田間督領工作

而皆知以勤民爲重其效或未易臻此也至諸工程皆設防護運之餘率作興事未可與工部例章並論且不列款請銷自可免由部議而工成犒勞酒食本與軍需賞耗不同爲數又微業經酌提各營截曠款下支用並未開報正款臣等現咨商劉錦棠張曜轉飭善後局員酌量劃撥荒絕地畝招佃承租以作歲修經費庶可保固而規久遠所有甘肅新疆各處防營連年承修各工程應否咨部備案理合恭指具奏伏乞

皇太后

皇上聖鑒訓示施行謹

奏光緒六年四月十七日

軍機大臣奉

旨該部知道欽此

督師出屯哈密摺

奏爲徵臣督師出屯哈密日期恭摺馳報仰祈

聖鑒事竊臣欽奉光緒六年三月初八日

上諭左宗棠奏遵籌布置情形一摺左宗棠定於三月內出紫哈密著於到防後將三路官軍及後路墳紫各營相度機宜與金順等妥商調度並隨時偵探伊犁情形慎密籌辦以免疏虞等因欽此臣自二月初三日飭漢中鎮總兵譚上連率所部步隊四營出關指喀什噶爾進發後三月十五十八等日飭提督陶鼎金王福田

等率所部馬隊一營一旅並統帶總兵崔偉等新募旌
善回勇馬隊五百餘騎分起進駐哈密提督王聲揚總
兵柳泰和步隊兩營繼發臣料理該馬步拔行後本擬
率親兵十一哨續進適得喀州稟報洮岷土司所屬脣
族謀變應稍緩起程四月初四日飭親兵五哨先行出
關
仍駛驍少待茲復據該各地方文武稟報兵團疊
次進剿得手妖氛漸息臣會商楊昌濬所派各營均次
第齊赴前敵鋒威益振歲事可期現擬一面搜捕首要
一面設局撫卹俾良番有恃無恐以速戎機此後戰事

應由楊昌濟主稿會銜馳報臣拜摺後卽日出關俟到
哈密後察看各路情形如何容卽隨時馳報所有肅州
轉運事宜已派營務處道員譚信榦駐肅督辦並飭卹
署巴里坤鎮總兵頭品頂戴補用提督鄧榮佳督帶副
將陳慎友鄒冠羣所部步隊兩旅慎防舊壘以利關鍊
所有微臣出屯哈密日期謹奏指馳陳伏乞

皇太后

皇上聖體謹

奏光緒六年四月十八日

覆陳新疆宜開設郡縣摺

奏爲遵

旨覆陳新疆宜建省開設郡縣應請先

簡督撫臣以專責成而便咨商措置恭摺仰祈

聖鑒事竊

臣於光緒四年十一月奏覆新疆情形一摺

欽奉

諭旨事關創始必須熟籌於事前乃可收效於日後刻下伊犁未經收還一切建置事宜尙難遽定其餘南北各城應如何經理之處卽著左宗棠悉心籌畫次第興

辦總期先實後名俟諸事辦有眉目然後設官分職改設郡縣自可收一勞永逸之效所有辦理情形並著隨時詳細具奏嗣於五年九月續奉

諭旨新疆地方愚回銅習未除自應規畫久遠移其風俗俾就範圍該大臣所擬改設郡縣應如何辦理之處並著妥籌具奏欽此竊惟新疆南路各城頻年辦理善後事宜均有端緒所有詳細情形業經會銜陳

奏臣與楊昌濬再四諮詢分設郡縣於時務相宜如蒙恩旨俞允會同籌商辦理從此邊地腹地綱舉圍張城

郭廬帳羣萃州處彼此各仍其舊治外則軍府立而安
撫有藉疆圖奠焉治內則吏事修而政教相承民行興
焉上無鄙夷其民之下有比戶可封之俗長治久安
之效實基於此臣兩次欽奉

諭旨恭錄咨行新疆在事諸臣意見相合竊計改設都
縣經出經入費用較之從前部撥常年實數不但無增
且可漸減誠及此時籌議興辦開設行省於

國計邊防不無裨補按新疆形勢所在北路則烏魯木
齊南路則阿克蘇以其能控制全疆地居天山南北之

裕居高臨下左右伸縮足以有爲也謹擬烏魯木齊爲
新疆總督治所阿克蘇爲新疆巡撫治所彼此聲勢聯
絡互相表裏足稱其形勢將軍率旅營駐伊犁塔爾巴
哈臺改設都統並統旗綠各營並擬增設伊犁兵備道
一員塔爾巴哈臺擬增同知一員以固邊防北路鎮迪
道應仍其舊擬改迪化州直隸知州爲迪化府知府擬
增置迪化縣知縣一員附郭州屬原設縣四一阜康一
昌吉一綏來一奇臺應仍其舊擬升呼圖壁巡檢爲圖
壁縣知縣升濟木薩縣丞爲濟木縣知縣鎮西廳同知

治巴里坤擬改爲鎮西州直隸州擬仍復原設宜禾縣
知縣附郭哈密通判擬改爲直隸廳同知吐魯番境一
名廣安州爲入南疆衝要首站擬增設廣安道一員以
資控扼其吐魯番同知擬改爲廣安州直隸知州擬升
闢展巡檢爲闢展縣知縣托克遜烏魯木齊通南八城
衝要擬就地置托遜縣知縣一員以資聯絡南路擬設
阿克蘇巡道一員喀什噶爾兵備道一員擬設知府四
員一治阿克蘇一治庫車並隸阿克蘇巡道按阿克蘇
卽古溫宿國擬設溫宿府知府一員溫宿縣知縣一員

附郭擬設尹河縣知縣一員治尹河玉提擬設拜城縣
知縣治拜城均隸溫宿府知府管轄庫車卽古龜茲國
擬設鳩茲府知府一員鳩茲縣知縣一員附郭擬設沙
雅爾知縣一員治沙雅爾歸鳩茲府管轄喀什噶爾卽
古疏勒國擬設疏勒府知府一員疏勒縣知縣一員治
漢城疏附縣知縣一員治同城並附郭歸疏勒府知府
管轄葉爾羌卽古莎車國擬設莎車府知府一員莎車
縣知縣一員治漢城莎附縣知縣一員治同城並附郭
歸沙車府知府管轄喀喇沙爾卽古焉耆國擬設焉耆

直隸州知州一員治喀喇沙爾並設庫勒縣知縣治庫
爾勒歸焉著直隸州管轄和闐卽古于闐國擬設于闐
直隸州知州一員治和闐並設于闐縣知縣附郭歸于
闐直隸州管轄烏什卽古尉頭國擬設尉頭直隸同知
一員治烏什英吉沙爾卽古依耐國擬設依耐直隸同
知一員治英吉沙爾凡茲所擬建置大畧雖經臣與新
疆在事諸臣悉心商訂具有規模而地非親歷究難信
之於心既擬置省分設郡縣則政務繁簡地歛肥穢物
產盈虛丁戶多寡差徭輕重爲缺分苦樂所關非榷某

經出經入實數爲之斟酌損益俾適於中則官固而民

必受其病適奏調浙江候補知府陳寶善到營

臣

督居

幕中令其熟閱新疆各局往復公牘面爲講求預將典

革諸務貫澈旨中飭三月下旬出關遍歷新疆察驗

切一面就近稟商各總統一面稟報聽候核示陳寶善

久官牧令廉幹耐勞熟爛吏事茲令參商建置興革事

宜或有裨益至義塾甫興學政及各府廳州縣校官應

緩議設其丞佐佐雜應候分設郡縣後再分別陳奏請

旨遵行新疆各員應否按照邊俸遷調升轉暫時亦可

議至各城應安設臺站驛遞增設提鎮副將參遊都
守于把外額大小武職及額兵俸廉餉乾本折均應俟
新設督撫會同議擬具

奏而藩臬大員均隨督撫駐紮庶總匯之司得所稟承
事無不舉凡此皆應由新疆督撫

奏明次第興辦者非臣所得預議也如新疆置省分設
郡縣仰荷

諭旨允行應懇

天恩先

簡新疆總督新疆巡撫重以事權俾得隨時陳奏徑達

竊聽其新疆軍務臣有督辦之責固不敢稍有諉謝也
是否有當謹會同頭品頂戴幫辦甘肅新疆善後事宜
臣楊昌濬合詞具陳伏乞

皇太后

皇上聖鑒訓示施行謹

奏光緒六年四月十八日

軍機大臣 字寄光緒六年四月二十九日奉

上諭左宗棠奏覆陳新疆宜開設行省請先簡督撫一
摺所擬建置事宜頗爲詳悉惟現在伊犁尙未收復布
置一切不無窒礙所有新疆善後諸務仍著該督因地制宜
制宜次第籌辦原摺著暫留中再候諭旨將此由四百
里諭令知之欽此

遵

旨覆奏摺

奉爲遵

旨覆奏仰祈

聖鑒事竊臣於七月二十四日哈密行營承准軍機大臣字寄光緒六年七月初六日奉

上諭左宗棠奏現已行抵哈密關外軍務諒經布置周詳現在時事孔艱正須老於兵事之大臣以備朝廷顧問左宗棠著來京陛見一面慎舉賢員堪以督辦關外一切事宜者奏明請旨俾資接替此外帶兵各員中有

才畧過人堪膺艱鉅秉性忠勇緩急足恃者並著臚列
保薦用備任使將此由六百里諭令知之欽此跪聆之
餘欽感無既臣以菲材謬膺關隴新疆重寄計踰十載

圖報未遑屬以出屯哈密所有規畫布置大畧已具招

陳明伏讀

諭旨左宗棠著來京陛見一面慎舉賢員堪以督辦關
外一切事宜者奏明請旨俾資接替欽奉之下謹卽料
理起程惟關外一切事宜必賴賢能接替始免他虞竊
見幫辦新疆軍務通政使司通政使法福靈阿巴圖魯

二等男起劉錦棠志在匡時才能應變隴中關外夙著勲勤近辦新疆善後事宜威惠並行臣嘗愧不及如蒙恩命督辦關外一切事宜必能勝任劉錦棠前聞臣到

哈密擬卽前來晤商軍務臣比復書止之茲臣旣奉

命來京軍事需人接替比卽馳告劉錦棠仍速來哈密商議一切由喀什噶爾赴哈密共五十四站劉錦棠得信後起程九月杪始可到此計其時已奉有

諭旨矣如蒙

恩允以劉錦棠接替是否並將

欽差大臣關防交劉錦棠祗領此應候

諭旨遵行者一也安肅道員駐肅州地在關內兼轄關外玉門安西鎮迪道駐迪化州兼轄鎮西廳則地在關外哈密廳介居其中向歸陝甘總督統屬茲既督辦關外軍務應割哈密廳鎮西廳迪化州併歸新疆而玉門安西州地方營務及驛站仍由該地方文武管理歸安肅道考核照舊歸映甘統屬原映甘新疆界限攸分責成考核均歸畫一臣以映甘總督督辦新疆軍務固無所庸其分晰至關外軍務接替有人則必劃明彼此俾

其各有遵循伏乞

聖裁如以督辦新疆軍務署銜不用開外兩字更覺分明此應候

旨遵行者二也臣俟劉錦棠行抵哈密會商一切交卸軍務卽當馳返蘭州清理案牘陝甘督篆是否卽交楊昌濬接署出自

聖裁臣交篆後卽取道秦晉北上不敢遲延惟頻年力疾從戎咯血脾泄諸證時愈時發藥餌無效近則健忘益甚步履維艱頻年以來杖不釋手每遇祭祀典禮登

降拜跪輒須參扶以防傾跌形極衰頹情同戀棧此衷
耿耿不敢自明茲幸

仁慈曲建俾釋仔肩或者長依

日月之末光稍延桑榆之暮景曷勝欣幸感激之至謹
先據實馳陳伏乞

皇太后

皇上聖鑒訓示施行謹

奏光緒六年八月初四日

請免保薦人材片

耳才難之歟自古已然史牒所稱名德重於當時卓有
建樹者可指數而稽而猶不免異時之遺議況可概諸
行列粗才乎

朝廷擇將固宜先體用兼備之人至軍營需才甚多不
能求全責備惟詐力相尙好利油滑者概宜屏棄選其
質地憨實樸納而有內心者由什長哨長派充營官又
察之臨財處事之際觀之行兵接戰之時分別進退之
然後緩急始有可恃此非可以旦夕期之者也臣所部
多楚產餉章軍制較各軍稍爲明白而訓與練兩事攸

分未嘗偏重亦祇能取濟一時尚有未能愜意者現在
西事未竣需才正急欽奉

諭旨帶兵各員中有才畧過人堪應艱鉅秉性忠勇綏
急足恃者並著臚列保薦用備任使竊上頃人員現均
在事體蒙

天恩淳擢堤鎮其人之才否又爲劉錦棠楊昌濬所深
知臣旣遵

旨交卸未宜保薦市恩劉錦棠楊昌濬亦斷不致屈抑
人才別有論列應否免其臚列保薦伏候

臣

聖裁其中才有可用因資斧無措未及進京驗看者
當速帶數員酌給川資隨同北上又前浙江提督黃少
春自咸豐十年隨臣由湖南募勇東征轉戰江皖衡閩
粵東論功浮擢浙江提督素得軍民之心上年因親病
告假回籍省視臣比誠致何璣屬其堅意慰留嗣聞其
回湖南已請

旨開缺矣諱鍾麟書來猶以不及飭留爲歉該員忠勇
幹練臣所素知如緩急需人請
飭其遴選數營應調必當有以報

命但令其輕騎前往則虎無爪牙亦必無益愚陋之見

合併附片陳明伏祈

聖鑒訓示謹

奏光緒六年八月初四日

軍機大臣 玄寄奉

上諭左宗棠奏遵旨覆陳並布置情形及請免保薦人
才各摺片覽奏均悉左宗棠現在料理起程來京關外
一切事宜應即交督辦劉錦棠威望素著辦理新疆善後
事宜諸臻妥安協著署理欽差大臣督辦新疆軍務俟劉

錦棠到哈密後左宗棠卽將欽差大臣關防交給祇領所有新疆一切布置並著詳細告知妥為籌辦卽行迅速北上所請派署陝甘總督篆務著聽候諭旨金順駐紫西路距伊犁較近一切邊防情形著隨時與劉錦棠和衷商辦以維大局喀什噶爾亦關緊要劉錦棠起程後須派得力將領認真防守毋稍大意前諭左宗棠保薦將才原以該大臣平日留意人才見聞所及必有深知其人堪膺任使者不必據定現在新疆軍營之人仍著臚舉以聞黃少春已照諱鍾麟所請諭令赴浙辦理

防務矣將此由六百里各諭令知之欽此

請令張曜幫辦軍務片

再統領嵩武軍廣東陸路提督一等輕車都尉兼雲騎
尉世職張曜自同治十二年十月經臣

奏派出關克復各城勦勤不著厥後辦理南疆東四城
善後事宜因地施治措置裕如該提督文武兼資實一
時之選臣於光緒四年紅旛奏捷案內附片仰報

天恩將張曜改爲文職奉

旨張曜著俟旨簡用片留中欽此欽遵在案現臣奉

旨陞見所有督辦新疆軍務之任已蒙
簡放剏綱橐署理

欽差大臣已得釋仔肩又率交替得人堪綠

茲履維新疆周二萬餘里南北均關緊要幫辦僅金順
一人似難兼顧現在張曜駐軍南路之阿克蘇形勢居
中足資策應可否飭令幫辦軍務出自

聖裁謹陳明請

旨仰祈

慈鑒訓不施行謹

奏

軍機大臣奏

旨張曜已有旨令其署理幫辦軍務矣欽此

恭報交卸關防起程回省日期摺

奏爲恭報微臣交卸關防起程回省日期仰祈

聖鑒事竊臣於九月十二日承准軍機大臣字寄八月二十二日欽奉

上諭左宗棠現在料理起程來京關外一切事宜應卽交替劉錦棠威望素著辦理新疆善後事宜諸臻妥協著署理欽差大臣督辦新疆軍務俟劉錦棠到哈密後左宗棠卽將欽差大臣關防交給祇領所有新疆一切布置並著詳細告知妥爲籌辦卽行迅速北上所請派

署陝甘總督篆務著聽候諭旨等因欽此茲劄錦棠已
於十月初六日行抵哈密連日會商新疆一切布置事
宜均已詳悉臣將新疆軍務餉事採運一切分項開單
移交劉錦棠謹於十月十二日委署哈密廳通判李壽

芝署哈密協副將蔣富山恭賈咸字第八十一號

欽差大臣關防一顆交劉錦棠祇領臣於是日啟程
入關沿途趨行俟抵蘭州邊

旨交卸陝甘總督篆務一面馳

奏一面遄行計由陝西山西直隸驛道北上冀可遄速

辰

觀一經十四年繼

闕之忱謹由驛馳

奏伏乞

皇太后

皇上聖鑒訓示施行謹

奏光緒六年十月十二日

時劉錦棠等規畫新疆郡縣各摺片

奏爲遵

旨擬設新疆南路郡縣恭摺覆陳伏祈

聖鑒事竊臣等承准軍機大臣字寄光緒八年三月十七日奉

上諭譚鍾麟又奏籌度新疆南路情形一摺所酌度七
城廣狹繁簡設立丞倅牧令一員更於哈什噶爾阿克
蘇兩處各設巡道一員如鎮迪道之例着劉錦棠體察
情形會商該督妥議具奏等因欽此仰見

朝廷眷顧西陲動規久遠之至意跪聆之餘莫不欽感
伏念新疆當久亂積罷之後今昔情形判若霄壤所有
邊疆一切事宜無論拘泥成法於時勢多不相宜且承
平年間舊制亂後蕩然無存萬難再圖規復欲爲一勞
永逸之計固令增設郡縣別無良策種種情由經大學
士前任陝甘督臣左宗棠迭次奏明有案仰蒙

聖明洞鑒准其因時制宜在事諸臣先後稟承

哀謨籌辦善後諸務罔敢稍涉疏懈現在地利日闢戶
口日增各族漸知向化諸事均有成效郡縣之設時不

可失茲奉

旨命臣等會商妥議久安長治之基實羣於此自當就
思慮所及熟籌審度以期妥協而垂永久謹按經野建
官之道必量其地之民力物產足以完納

國課又可供給官吏胥役而有餘然後視其形勢之衝
僻繁簡設官以治之非從寬預爲計畫則官困而民必
受其害故新疆添置郡縣設官未可過多此必然之勢
也惟南路各城人民較多腹區較廣其轄境之最遼闊
者縱橫至數千里少亦數百里若設官太少又慮耽長

莫及難資治理不足爲經久定制

臣鍾麟

原奏內有一

城不過數十莊不及東南一小縣七城各設一官足矣

等語經

臣錦棠就近體察情形此說蓋亦不盡然又

臣

鍾麟原奏將吐魯番作爲南路城池因有七城設官之

議

臣錦棠查吐魯番現不在八城數內自吐城以西喀

刺沙爾庫車阿克蘇烏什是爲南路東四城葉爾羌喀

喇沙爾因吉沙爾和闐是爲南路西四城應統八城通

盤籌畫一律改設郡縣以上各節均經

臣錦棠

臣鍾麟

往復函商意見相合公同酌議除自哈密南至吐魯番

北至精河應暫照臣鍾麟原奏無須另設多員外回疆
東四城擬設巡道一員駐札阿克蘇該道以守兼巡爲
兵備道督飭所屬水利屯墾錢穀刑名事件撫馭蒙部
彈壓布魯特稽查卡倫作爲衝煩疲三項要缺喀喇沙
爾與土爾扈特和碩特游牧地方大牙相錯每有交涉
事什擬設直隸廳理事撫民同知一員治喀喇沙爾城
庫車擬設直隸廳撫民同知一員治庫車城阿克蘇爲
古溫宿國擬設溫宿直隸州知州一員治阿克蘇城拜
城縣知縣一員治拜城歸溫宿直隸州管轄烏什緊鄰

布魯特部落爲極邊衝要設置直隸廳撫彝同知一員
治烏什城以上各廳州縣應統歸東四城巡道管轄回
疆西四城擬設巡道一員駐扎喀什噶爾回城該道以
守兼巡爲兵備道管理通商事宜督飭所屬水利屯墾
錢穀刑名諸務彈壓布魯特稽查卡倫作爲衝煩疲難
請

旨最要缺喀什噶爾爲古疏勒國擬設疏勒直隸州知
州一員治漢城疏附縣知縣一員治同城歸疏勒直隸
州管轄英吉沙爾緊鄰布魯特爲極邊衝要情形與烏

什署同擬設直隸廳撫彝同知一員治英吉沙爾城葉爾羌爲古莎車國擬設莎車直隸州知州一員治漢城葉城縣知縣一員治回城歸莎車直隸州管轄葉爾羌所屬瑪喇巴什一城爲回疆東西咽喉要地積年河水爲患必須置員撫治擬設直隸廳水利撫民通判一員治瑪喇巴什城和闐爲古于闐國擬設和闐直隸州知州一員治和闐城于闐縣知縣一員治哈拉哈什地方歸和闐直隸州管轄以上各廳州縣應統歸西四城巡道管轄凡茲建置大略較之光緒六年四月十八日左

宗棠奏擬設立各官稍爲簡省較之臣鍾麟原奏七城
各設一官之議畧爲加增斟酌損益務適於中冀免流
弊而成永圖至於佐雜人員應俟郡縣設定由道員暨
各丞倅牧令就近察酌地方情形將其必不可少者詳
請奏設其各廳州縣疆界應俟立官畫分後再行奏咨
各處地方暫時責成諸軍統領營官督率營勇駐防俟
兵制議定再行奏請設立總兵副將參遊都守千把等
官其餘未盡事宜統候陸續籌議隨時奏請

睿裁所有擬設新疆南路郡縣大概情形謹會同幫辦

軍務臣張曜幫辦新疆善後事宜

臣楊昌濬恭摺覆陳

是否有當伏乞

皇太后

皇上鑒訓示施行再此摺係

臣錦棠主稿合併聲明諱

奏光緒八年八月

劉錦棠等片

再新疆各城向設阿奇木伯克等員其職銜有三四品者現議建置郡縣擬設丞倅牧令各員官階既非甚崇若回官仍循舊章殊有枝大於本之嫌似宜量爲變通

以歸安善郡縣設定後擬將回官各缺暨阿奇木伯克等名目概行裁去各廳州縣另行酌設頭目額數畧如各省辦公紳士不可以官目之遇有缺額卽行就地選舉出具切實考語詳由該管道轉請邊疆大員發諭委牌惟須照回官向例撥給地畝作爲辦公薪資免滋需索侵吞諸弊又南路纏回愚懦者居其大半彼教中所謂條勒阿渾往往捏造邪說肆其誘脅之術人心易爲搖惑禍亂每由此起纏頭語言文字本與滿漢不同遇有訟獄徵收各事件官民隔閡不通阿奇木伯克通事

人等得以從中舞弊是非被以文教無由除彼錮習自全疆擬定以來各城分設義塾令回童讀書識字學習華語其中儘多聰穎可造之資授之以經輒能背誦學寫楷書居然端好爲之講解義理亦頗能領會足見秉彝之良無分中外雖不必侈言化民成俗而其効已有可覩此時建置南路郡縣教職等官暫可不設惟宜設法鼓勵使回族爭奮於學庶教化可期漸興所有原設各塾應由各廳州縣延師訓課以小學孝經論語孟子大學中庸詩經易經春秋教各回童擬每歲合各廳州

縣考試一次有能誦習一經熟諳華語者不拘人數多寡卽送該管道衙門覆試詳由邊疆大員援照保舉武弁之例咨部給予生監順戴待其年已長大卽准充當頭目如有勤學不倦能多習一經或數經者無論已未充當頭目均准各廳州縣考送由道覆試請獎再行遞換五品以下各項頂戴仍不得逾六品以示限制惟曾任三四五品阿奇木伯克者裁缺後仍應准其照舊戴用胡頂充當頭目其各項頂戴頭目人等如果承辦差使異常出力仍隨時酌量保奏懇

恩賚給三四五品順敕用昭激勸理合會同幫辦軍務
臣張繼新辦新疆善後事宜臣楊昌濬附片具陳是否有當伏乞

聖鑒訓示施行再此片係臣錦棠三稿合併聲明謹

奏光緒八年八月

劉錦棠摺

奏爲哈密鎮迪道等處地方暨議設南路各道廳州縣
擬請併歸甘肅合爲一省以歸久遠恭摺具陳仰祈
聖鑒事竊查光緒六年大學士前陝甘督臣左宗棠奏

稱將來議設行省必以哈密劃隸新疆形勢始合哈密及鎮迪一道所屬文武地方均應歸劉錦棠統轄所有升調補署考核及一切興革事宜均可就近辦理分別奏者陝甘總督無庸兼管等因光緒六年十一月初四日奉

上諭左宗棠奏請將哈密鎮迪道歸劉錦棠統轄等語等因欽此欽遵在案伏念新疆改設行省之議左宗棠實始發之查本年三月十六日陝甘督臣譚鍾麟奏鑑度新疆南路情形摺內亦有設立行省當從州縣辦起

然後選設督撫以統轄之等語蓋新疆本秦隴之屏障
燕晉之藩籬亟宜經營盡善以固吾圉然惟制既不可
復自不得不另籌善策左宗棠諱鐘麟所議改設行省
固無非維持永久之謀至臣愚慮所及則與左宗棠等
不能盡同有不容不及時陳明者臣自曩歲出關辦賊
洎於今已歷七載熟度關外情形求所以長治久安之
道固舍設郡縣易舊制別鮮良圖此臣之所見與左宗
棠等相同者也惟將新疆另爲一省則臣頗以爲不然
現在臣等擬設之南路各廳州縣合之哈密及鎮迪道

等處原有各廳州縣總共不過三十餘處卽將來地方
日益富庶所增亦必無多悉查光緒六年四月十八日
左宗棠覆陳新疆宜建行省開設郡縣摺內所載擬設
及原有各屬廳州縣亦不過二三十處嘗考各省中郡
縣之最少者莫如貴州廣西等處新疆則尙不能及其
一半其難自成一省情形亦已明矣且新疆之與甘肅
形同唇齒從前左宗棠以陝甘總督督辦新疆軍務凡
籌兵籌餉以及製辦轉運諸務皆以關內爲根本其勢
順故其事易舉臣之才力貧乏不逮左宗棠而自受

代以來兩年之間雖無功過足錄然未至償事者皆賴
譚鍾麟楊昌濬諡篤公忠力顧全局故能勉力支特向
使甘省大吏稍存畛域之見則邊事已不堪問若將關
內外劃爲兩省以三十餘州縣孤懸絕域其勢難以自
存且後路轉餉製械諸務必將與甘肅分門別戶以清
眉目所需經費較目前必更浩煩其將何以爲繼故新
疆甘肅勢難分爲兩省臣所見與左宗棠等不同者此
也又臣聞譚鍾麟原奏籌度新疆南路情形指稿議將
北路鎮迪等處暨擬設南路郡縣皆歸

欽差大臣統轄謹按

欽差大臣本非

國家常設之官且哈密及鎮迪一道原係奉

旨暫歸徵臣統轄現旣議設南路郡縣必須熟籌可久

之道不得仍作權宜之計以郡縣設定後諸事須照各

省辦法而言例章則臣營無舊案可稽言用人則軍中

無合例堪以補署之員至於錢糧刑名升遷調補諸事

又無藩臬兩司可專責成似茲窒碍難行之處未可枚

舉臣之愚擬請將哈密鎮迪道等處暨議設南路各

關之忱蓋新疆蕩平經六年之久此時軍務日鬆急宜
定大局以修政理臣於吏治嚮少閱歷關外郡縣諸事
宜多係創始斷非軍旅粗材所能了局區區愚悃實恐
貽悞將來並非意存規避此不能不預先懸陳者也所
有哈密鎮迪道等處地方及議設南路各道廳州縣擬
請併歸甘肅合爲一省各緣由臣係爲規畫久遠起見
理合恭摺具陳是否有當伏乞

皇太后

皇上聖鑒訓示施行謹

奏 光緒八年八月

劉錦棠片

再哈密以西各滿營旗丁亂後子遺僅存舊制萬難規復卽以古城烏魯木齊兩處言之前此古城領隊大臣勝安由京西來道出哈密與臣談及古城滿營房屋久已鞠爲茂草該處旗丁總共不過十數人勝安自以補授斯缺原應卽行赴任究竟古城無隊可領無營署可住進退維谷殊形狼狽臣比屬其與金順恭鏗熟商自處之道悵然踰天山北去臣於光緒二年夏秋之交率

廳州縣併歸甘肅爲一省惟歸甘督遙制竊恐鞭長莫
及擬倣照江蘇建置大畧添設甘肅巡撫一員駐紮烏
魯木齊管轄哈密以西南北兩路各道廳州縣並請
賞加兵部尙書銜俾得統轄全疆官兵督辦邊防並設
甘肅關外等處地方布政使一員隨巡撫駐紮舊有鎮
迪道擬請援照福建臺灣道之例

賞加按察使銜令其兼管全疆刑名驛傳事務改迪化
直隸州知州爲迪化縣添設迪化府知府一員治迪化
城管轄迪化昌吉綏來阜康奇臺五縣似此辦理實較

另爲一省稍免煩費而於新疆時事亦甚相宜如蒙聖明准行仰懇

迅簡巡撫藩司及擬設之南路兩道員以便及早措置
壹是現在伊犁既經收還分界亦不久可以竣事沿邊
無警防務能嚴如設巡撫則

欽差大臣儘可裁撤臣擬俟巡撫西來當舉關外一切
情形詳細告知並將經手事件交其接辦再行呈繳關
防仍俟臣足疾醫治全愈後卽當束裝北上以伸累載
憲

師克復烏魯木齊其時滿城傾圯瓦礫荒涼未見旗丁
一人嗣臣進克南路各城始將旗丁之被賊裹脅者陸
續拔出咨送烏魯木齊按插然爲數亦屬無多故以恭
鏗之精明強幹世受

國恩銳意欲有所爲以圖報稱然所管旗丁只有此數
雖都統有兼轄鎮逆道之責而政務亦甚簡少不足以
發揮其才氣他如哈密辦事臣明春所部健銳威儀各
營現已奏明全行裁撤其所轄回務亦經左宗棠奏准
歸哈密通判管理欽遵在案竊

國家建官分職原各有分內應辦之事現在新疆時事變遷都統暨辦事領隊各大臣兵少事簡幾無異投閒置散此不但非

朝廷設官之意亦諸臣心所不安也如家

聖明體察臣言准照擬設甘肅巡撫之議則烏魯木齊自須設立撫標官兵南北兩路均宜另設額兵添置總兵副將參遊都守千把等官以爲永遠防邊之計烏魯木齊提督應移駐喀什噶爾城以扼要害吐魯番暨南路舊有參贊辦事領隊各大臣員缺固可一律裁去卽

自哈密北至伊犁所有都統暨辦事領隊各大臣員缺
亦宜酌量裁撤巴里坤古城烏魯木齊庫爾喀拉烏蘇
等處所餘旗丁如目前之零星分布終恐無濟實用不
如併歸伊犁滿營生聚教訓以期漸成勁旅查承平時
新疆南北兩路係歸伊犁將軍總統烏魯木齊都統亦
兼轄鎮迪一道如設巡撫不但鎮迪道無須都統兼轄
即將軍亦無庸總統全疆免致政出多門巡撫事權不
一其伊犁滿營似應改照各省駐防將軍營制從新整
頓務求精實可用庶於邊防有所裨益總之新疆不復

舊制便當概照行省辦法若二者並行則一切夾雜牽
混之弊難以枚舉屬陔伊犁已還界務將竣大局急宜
定奪臣恭縮

欽符既有所見不能不據實直陳是否可行祇候

睿斷理合附片陳明伏乞

聖鑒訓示施行謹

奏光緒八年八月